

- 60 Staðfesting forsetans á skipulagsskrá fyrir Domus Medica, útgefin á venju-
26. apríl legan hátt að mandatum af dómsmálaráðherra 26. apríl 1960.
Skipulagsskráin er þannig:

SKIPULAGSSKRÁ

fyrir Domus Medica.

1. gr.

Læknafélag Íslands og Læknafélag Reykjavíkur hafa ákveðið að reisa hús í Reykjavík, íslenskri læknastétt til eflingar og styrktar. Skal stofnunin vera sjálf-eignarstofnun og nafn hennar vera

Domus Medica.

2. gr.

Tilgangur stofnunarinnar er að reisa og reka félagssheimili íslenskra lækna og stuðla þannig að bættri fræðslu og félagsstarfsemi þeirra. Er ákveðið, að í húsinu verði bókasafn, lesstofur, lækningastofur svo og rannsóknarstofur með sem full-komnustum tækjum og húnaði.

3. gr.

Stofnfé Domus Medica er:

1. Framlag frá Læknafélagi Íslands kr. 100 000.00.
2. Framlag frá Læknafélagi Reykjavíkur kr. 100 000.00.
3. Framlög frá læknum.

4. gr.

Stjórn Domus Medica skipa 5 lækna og skulu þeir vera félagar í L. Í. Skulu tveir kosnir af Læknafélagi Íslands, tveir af Læknafélagi Reykjavíkur og einn sameiginlega af stjórnnum félaganna. Stjórnin tilnefnir sjálf mann eða menn í stað þeirra, er úr henni ganga, enda samþykki stjórnir Læknafélags Íslands og Læknafélags Reykjavíkur stjórnarkjörið. Stjórninni er heimilt að kveðja sér til aðstoðar 3 varamenn.

5. gr.

Stjórnin kýs sér formann, varaformann og ritara og skiptir með sér störfum að öðru leyti eftir því sem henni þykir henta. Stjórnin heldur fundi þegar formanni þykir við þurfa, en auk þess er formanni skylt að boða til fundar þegar þrír stjórnendur eða endurskoðendur stofnunarinnar krefjast þess.

1 maður gengur úr stjórninni ár hvert. Í fyrstu eftir hlutkesti, síðan eftir starfsaldri.

6. gr.

Stjórn Domus Medica ræður framkvæmdastjórn fyrir stofnunina og starfsfólk eftir þörfum. Skal stjórnin hafa eftirlit með öllum rekstri og úrskurðarvald um afnot húss og eigna. Þrír stjórnarmenn skuldbinda stofnunina með undirskrift sinni. Stjórnarmenn bera ekki persónulega ábyrgð á skuldbindingum, er þeir stofna til vegna stofnunarinnar.

7. gr.

Starfsár Domus Medica og reikningsár er almanaksárið. Skal stjórnin fyrir lok aprílmánaðar ár hvert semja reikning yfir tekjur og gjöld stofnunarinnar svo og efnahagsreikning. Skulu reikningarnir endurskoðaðir af tveim mönnum, öðrum tilnefndum af dóms- og kirkjumálaráðuneytinu, en hinum af borgarstjóranum í Reykjavík og skal reikningurinn í heild eða útdráttur úr honum birtur í Læknablaðinu.

8. gr.

60

Fé Domus Medica skal ávaxta í ríkistryggðum bankastofnunum eða með öðrum hætti, sem stjórnin er sammála um að telja jafn tryggilega. 26. apríl

9. gr.

Komi til þess, að Domus Medica yrði lögð niður, skulu eignir stofnunarinnar skiptast að jöfnu milli Læknafélags Íslands, Læknafélags Reykjavíkur og Lækna-deildar Háskóla Íslands.

10. gr.

Skipulagsskrá þessari verður ekki breytt, nema því aðeins, að $\frac{4}{5}$ hlutar stjórnarinnar samþykki breytinguna og að breytingarnar séu síðan samþykktar af stjórnnum Læknafélags Íslands og Læknafélags Reykjavíkur.

11. gr.

Leita skal staðfestingar forseta Íslands á skipulagsskrá þessari. Skal skipulagsskráin birt í B-deild Stjórnartíðinda.

AUGLÝSING

61

um viðauka og breytingar á lyfsöluskrá II.

27. apríl

Frá og með deginum í dag að telja ganga í gildi viðaukar og breytingar útgefnar í dag á lyfsöluskrá II frá 10. desember 1958.

Heilbrigðismálaráðuneytið, 27. apríl 1960.

F. h. r.

Gústav A. Jónasson.

Baldur Möller.

AUGLÝSING

62

um breytingu á reglum nr. 6 15. jan. 1960, um laun skipaskoðunarmanna ríkisins.

28. apríl

1. gr.

Í stað „325,00“ í D-lið 1. gr., komi: 375,00.

Auglýsing þessi er gefin út samkvæmt heimild í 55. gr. laga nr. 50 31. júlí 1959, um eftirlit með skipum, til að öðlast þegar gildi, og birtist til eftirbreytni öllum þeim, sem hlut eiga að máli.

Samgöngumálaráðuneytið, 28. apríl 1960.

Emil Jónsson.

Páll Pálmason.